

續修四庫全書



《續修四庫全書》編纂委員會編

續修四庫全書

上海古籍出版社

一一九一・子部・雜家類

說郭續四十六卷（卷二十一至卷三十六）

〔明〕陶珽編

.....

說

郭

續

三

〔明〕

陶

珽

編

九 刻 據
一 本 清
毫 影 順
米 印 治
寬 原 三
二 書 年
八 版 宛
六 框 委
毫 高 山
米 一 堂

說郭續目錄

引第二十一

雲林遺事 顧元慶

比事摘錄

墜戶錄 楊慎

婦簪鏡筆 楊慎

病榻手狀 楊慎

枕談 陳繼儒

羣碎錄 陳繼儒

說郭續目錄 八 另二十一

記事珠 馮

俗呼小錄 李翊

名公像記 遯園居士

傷逝記 遯園居士

雲林遺事

吳郡顧元慶

五目

高逸第一

詩畫第二

潔癖第三

遊寓第四

飲食第五

高逸第一

雲林遺事 八

署名曰東海倪瓚或曰嬾瓚變姓名曰奚玄朗字曰

元鎮或曰玄映別號五曰荆蠻氏淨名居士朱陽館

主蕭閒僊卿雲林子雲林多用以題詩畫故尤著

雲林有清閭閣雲林堂清閭閣尤勝客非佳流不得

入嘗有道人道經無錫問瓚名欲見之以沉香百斤

為贄詒云適往惠山真日職至又云出探梅花人

以傾慕不得一見徘徊其家瓚密令人開雲林堂使

登焉堂前植碧梧四周外奇石東設古玉器西設古

鼎尊彝法書名畫八方驚顧問其家人曰聞有

靖閣間能一觀否家人曰此間非人所易入且吾主已出不可得也其人望閣載拜而去

張士誠弟士信聞元鎮善畫使人持絹緙侑以幣求其筆元鎮怒曰予生不能爲王門畫師卽裂其絹而却其幣一日士信與諸文士遊太湖聞漁舟中有異香此必有異人急傍舟近之乃元鎮也士信見之大怒欲手刃之諸文士力爲勸免命左右重加箠辱當撻時噤不發聲後有人問之曰君被士信窘辱而一聲不發何也元鎮曰出聲便俗

雲林遺事

八

二

菲山羽士張伯雨時來謁舟甫至聞報卽使二童子邀於水次及中途又遣二童子迎候及門又遣二童子出肅雲林久之始出禮意甚恭伯雨以其久不出有難色詢知沐浴更衣爲敬已設遂與定交

元鎮晚年流落泊然居貧有富人厚幣贊謁乃笑曰若亦知有我乎遂受其幣富人出扇索書元鎮不悅裂其幣散坐客且謝富人曰吾畫不可以貨取也其人慚退

元鎮素好飲茶在惠山中用核桃松子肉和真粉成

小塊如石狀置茶中名曰清泉白石茶有趙行恕者宋宗室也慕元鎮清致訪之坐定童子供茶行恕連啖如常元鎮艷然曰吾以子爲王孫故出此品乃畧不知風味真俗物也自是交絕

雲林遺像在人間者甚多大抵皆形似上有張伯雨題讚雲林古衣冠坐一連牀據梧几握筆伸紙搜吟於景象之外几上設酒尊一硯山香鼎各一牀倚畫屏籍以錦裯置詩卷盈束一茗頭時長柄塵拂立几側一女冠左持古銅洗右侍斟水器及

雲林遺事

八

三

巾幘之具

元鎮交惟張伯雨陸靜遠虞伯勝及覺軒王氏父子金壇張氏弟兄吳城陳惟宜惟允周正道陳叔方周南老其他非所知也

詩畫第二

元鎮詩名傳聞館閣間晚年益肆力吟事走筆信口或有似唐人爲文不蹈襲前人輒轍書遍黃庭畫法入巨然之室二米有所不逮也陶南村謂其晚年筆畧似出二千殆非知言

元鎮好僧寺一住必旬日篝燈木榻蕭然宴坐時操紙筆作竹石小景客求必與一時好事者購之價至數十金壯年有巨幅雅宜山圖甚爲常世所珍元鎮又有雅宜山竹枝詞二首云雅宜山舊名娜如山蓋康道園所命名然未若娜如之名近古也

元鎮嘗自題其畫竹云以中每愛予畫竹余之竹聊以寫胸中逸氣耳豈復較其似與非葉之繁與疎枝之斜與直哉或塗抹久之他人視以爲麻爲蘆僕亦不能強辨爲竹真沒奈覽者何但不知以中視爲何雲林遺事

八

四

物耳

潔癖第三

元鎮既散其田而稅未及推入國朝催科者全集元鎮逃去潛於蘆葦中麝龍涎香竟踪跡得之故柯九思詩云夜雨推蓬寫松石焚香何處獨題詩蓋道其實也

光福徐達左構養賢樓於鄧蔚山中一時名士多集於此雲林爲猶數焉嘗使童子入山擔七寶泉以前桶煎茶後桶濯足人不解其意或問之曰前者無備

故用煎茶後者或爲泄氣所穢故以爲濯足之用耳嘗眷趙買兒留宿別業疑其不潔俾之浴旣其寢且捫且嗅復俾浴不已竟夕不交而罷趙談於人每爲絕倒

其洞廁以高樓爲之下設木格中實鵝毛凡便下則鵝毛起覆之一童子俟其傍輒易去不聞有穢氣也似嘗留客夜榻恐有所穢時出聽之一夕聞有咳嗽聲促晨令家僮遍覓無所得童慮捶楚僞言窓外梧桐葉有唾痕者元鎮遂令剪葉十餘里外蓋宿露所雲林遺事

八

五

凝龍指爲唾以詒之耳

楊廉夫耽好聲色一日與元鎮會飲友人家廉夫脫妓鞋置酒杯其中使坐客傳飲名曰鞋杯元鎮素有潔疾見之大怒翻案而起連呼醜醜而去

元鎮嘗入城訪周南老必先使人投刺南老禮遇特厚凡燕室柱礎之間必先洗滌然後延坐

同郡有富室池館芙蓉盛開邀雲林飲庖人出饌拂衣起不可止主人驚愕叩其所以曰庖人多髯髯多者不潔吾何留焉坐客相顧哄堂

閣前置梧石日令人洗拭及書鮮盈庭不留水跡綠
荷可坐舟遇隆葉輒令童子以針綴杖頭刺出之不
使點壞

游寓第四

踪跡多在松陵笠澤間陸莊有蝸牛廬則其嘗棲止
處荆溪善權雖畢銅棺其遊甚數嘗避兵泖上有出
御詩

老年遊歷江湖多寓琳官梵刹有懷歸詩云他鄉未
若還家樂綠樹年年叫杜鵑洪武甲寅還鄉時已無

雲林遺事

六

家寓姻親鄒惟高家是歲中秋鄒氏開宴賞月元鎮
以脾疾戒飲漠然不樂乃賦詩有云紅螭捲勢應無
分白髮悲秋不自支之句不久竟以是疾卒於鄒氏

飲食第五

蜜釀蛸蚌蛸蛸蛸蛸蛸水畧煮才色變便撈起劈開留全
殼紫脚出肉股剝作小塊先將上件排在殼內以蜜
少許入鷄彈內攪勻澆遍次以膏腴鋪鷄彈上蒸之
鷄彈才乾凝便啖不可蒸過橙蟹醋供
煮蟹法用生薑紫蘇橘皮鹽同煮才大沸透便翻再

一大沸透便啖凡煮蟹旋煮旋啖則佳以一人為率
抵可煮二隻啖已再煮持橙蟹醋供

黃雀饅頭法用黃雀以脯及翅葱椒鹽同剉碎腹
中以發酵麵裹之作小長卷兩頭令平圓上籠蒸之
或蒸後如糟饅頭法糟過香油燂之尤妙

雪齋菜用春菜心少留葉每科作二段入碗內以乳
餅厚切片蓋滿菜上以花椒末於手心揉碎糝上椒
不須多以純酒入鹽少許澆滿碗中上籠蒸菜熟爛
啖之

雲林遺事

七

熟淮藕用絕好真粉入蜜用麝少許淮藕內從大頭
灌入川油紙包扎煮藕熟切片啖之

蓮花茶就池沼中早飯前日初出時擇取蓮花蕊
破者以手指撥開入茶滿其中用麻絲縛扎定經一
宿明早連花摘之取茶紙包曬如此三次錫淮盛扎
口收藏

糟饅頭用細餡饅頭逐箇用細黃草布包裹或用全
幅布先鋪糟在大盤內用布攤上稀排饅頭布上再
以布覆之用糟厚蓋布上糟一宿取出香油燂之冬

日可留半月冷則旋火炙之

煮茶則法先淨洗入酒甕內以清茶水貯甕內
火煨一番取出換水浸之切用

雲林遺事

八

比事摘錄

闕名

天下未嘗有無對之物兩之所北也即六事可以
類推夫事固有曠有世而相感也況人同此心乎
予于諸錄中摘其比事之要者表而出之亦觀感
典起之一助也

楚軍煖醉

楚師伐宋師人多寒楚子拊而勉之三軍之士皆如
挾纊楚子不能使人皆挾纊而三軍爲之煖煖其言
比事摘錄

也楚人有饋簞醪者楚莊王授之于河令將士迎流
而飲之三軍皆醉楚莊王不能使河爲醪而三軍爲
之醉醉其賜也然則虛言詭賜亦足以感士也士非
虛詭所能感也楚子無心於此蓋有不費而惠者矣
管仲韓信

韓非子管仲束縛自魯之齊路饑而泣過綺邑乞食
封人跪飧之因竊謂仲曰若用齊將何報我仲曰如
子之言我且賢之用能之使勞之論我何以報于封
人愁之司馬史記韓信始爲布衣從人寄食飲人多

祇之者嘗釣於城下諸母漂有一母見信饑飯信竟漂數十日信喜謂漂母曰吾必有以重報母母怒曰大丈夫不能自食吾哀王孫而進食豈望報乎信後爲楚王召所從食漂母賜千金夫施人者不求報當如漂母不當如封人受人施者不忘報當如韓信不當如管仲仲父之言正矣我何以報子心無乃失之忍乎淮陰之言陋矣吾必有以重報母情罔有所不容已也

陰禍陰德

比事摘錄

二

漢陳平嘗言我多陰謀道家之所禁吾世即廢不能復起以吾多陰禍也李廣與望氣王朔語曰吾爲西守羌嘗反吾誘降者八百餘人詐而同日殺之乎恨獨此爾朔曰禍莫大于殺已降此乃將軍之所以不得侯者也後漢虞詡臨終謂其子恭曰吾所悔者爲朝歌長時殺賊數百人其中何能不有冤者自此二十餘年家門不埒一口洵獲罪于天也宋王季將致政每戒諸子曰吾累爲統帥殺人多矣自免爲幸必無陰德以及後汝爲後善以自庇

孫果無達者史稱彥超自悔多殺垂戒後裔近乎仁人之用心矣若漢陳平輩之所言者比之彥超其用心得無亦有類焉者乎而彥超同時若曹彬其人乃真爲仁人矣爲將亦在人自處何如爾

正誼明道

董仲舒曰仁者正其誼不謀其利明其道不計其功諸葛武侯以復漢討賊爲在其出師表有鞠躬盡瘁死而後已成敗利鈍非所逆觀之語論者謂武侯不問利害只求義理是其見得真處卽聖賢之心也司

比事摘錄

三

馬溫公作韓魏公祠堂記載其言曰凡爲臣者盡力以事君死生以之至于成敗天也豈可豫憂其不成遂輟不爲哉魏公此言視武侯心可無愧矣范淳甫每誦董仲舒正誼明道語以爲君子行已立朝正當如此若夫成功則天也司馬公改新法或勸防後患公曰天若祚宋必無此事南軒張氏曰使他人答之必曰苟利社稷遲恤其他其如此言已自好而公更不論一己利害其平昔所養聖賢不過如此嗟乎此雖言語文字之間憂之所以動天地鬼神者自有在

也

衛青李廣

凡人之名也當務實勝焉不觀之衛青李廣乎衛青爲大將軍至尊重而天下之賢士大夫無稱焉名之所稱豈在富貴李將軍廣恂恂如鄙人口不能出辭及死之日天下知與不知皆爲流涕彼其中心誠信于士大夫也亦奚必文章藻飾爲哉

無益禱祀

趙飛燕譏班婕妤妤妤詛于成帝婕妤曰鬼神有知

比事摘錄

八

四

不受邪之訴者其無知訴之何益理明辭辨深足感人范滂繫獄吏俾祭臯陶滂曰臯陶賢者知滂無罪將理之于帝如其無知祭之何益詞語與婕妤類後人達此可以廢無益之禱祀矣

虞玩鄭啓

虞玩還司空玩陳讓不聽既拜歎息謂賓客曰以我爲三公是天下無人矣談者稱之唐鄭絳同平章事制下縈曰笑殺天下人既視事謂宗戚曰敗後鄭五咎宰相時事可知矣纔三月以疾乞骸骨致仕此不

賢于非才而竊位者乎

石崇曹武

石崇被收歎曰奴輩利吾家財收者曰知財致害何不蚤散之人以免其害或以爲散之不如勿聚之爲愈也齊曹武被收歎曰諸人知我無異意所以殺我政欲取吾財貨妓女耳武之嘆卽崇之嘆也而又曰恨令衆輩見之武何恨於是夫既自有以致之矣

陶侃張詠

陶侃爲荊州刺史嘗出遊見人持一把未熟稻侃問

比事摘錄

八

五

用此何爲人云行道所見聊取之耳侃大怒曰汝旣不田而戲賊人稻執而鞭之張詠爲崇陽令嘗坐城門下見里人有負菜而歸者問何從得之曰買之市詠怒曰汝居田里不自種而食何情邪笞而遣之此等小事史何足書然百姓因此知上之教勤于農殖家給人足二公之爲惠則大矣

真率會

今人飲饌務尚豐腴一筵之設水陸畢具賓客向口益無幾推盤累碟深杯大瓢抵以厭飲諸僕從耳不

知此何益也宋司馬溫公言其先公爲郡牧判官時客至未嘗不置酒或三行或五行不過七行酒沽市果止梨栗棗柿棧止脯醢菜羹器用堯漆當時士大夫皆然人不相非也分數而禮勸物薄而情厚近日士大夫酒非內法果非遠方珍異食非多品器皿非滿案不敢作會嘗數日嘗聚然後敢發書苟或不然人爭非之以爲鄙吝故不隨俗奢靡者鮮矣風俗頹弊如是居位者恐助之乎公之在洛也文潞公范忠宣公相約爲真率會脫粟一飯酒數行過從不聞一此事摘錄 入

六

日潞公有詩云啜菽盡甘顏子陋食鮮不愧范郎貧范和之云盍簪旣屢宜從簡爲具雖疎不愧貧公和之云隨家所有自可樂爲具更微誰笑貧諸公極救弊典儉之見今人益少思此事惜福養財日用不細吾故備錄之以貽諸同志者

醫孝

北齊李元忠母老多病元忠專心醫道研習積年遂善此技族弟亦因母病醫爲治療不愈遂自精究針藥母病乃除隋許道幼亦因其母疾患徧覽經方得

以究極世號名醫誠諸子曰人子當視膳藥不知方術豈爲孝乎由是世相傳授唐王勃嘗謂人子不可不知醫時長安曹元有秘術勃從之遊盡得其要勃之所見寔同道幼唐有王壽亦因母病學醫因以所學作書行世宋高若訥亦因母病遂兼通醫書雖國醫皆屈伏張仲景傷寒論訣孫思邈方書及外臺秘要久不傳悉考校訛謬行之世始知有是名醫多出衛州皆本高氏學焉此以醫爲孝者也宋李虛已母喪明虛已旦日祇晴不懈二年母日復明李行簡父患癰極痛行簡吮其敗膏不唾于地疾尋平比又以孝爲醫者也

欽柳友誼

狄仁傑爲并州法曹時同僚鄭崇質當使絕域崇質母老且病仁傑曰彼母如此豈可使之有萬里之憂諸長史臨仁基請代之行仁基允其代行仁基素與司馬李孝廉不叶因相謂曰吾輩豈可不自愧乎遂相與斬膽夫善之感人有如此者柳宗元初遷柳州刺史其友劉禹錫得播州宗元曰播非人所居而夢

得親在萬無母子俱往理欲請于朝願以柳易播會
裴度亦爲禹錫言得改連州韓退之作子厚墓誌實
載其事以爲世勸夫卽一善而稱之宗元可追蹤于
仁傑矣

裴王進賜

憲宗賜裴晉公玉帶公臨終封進表曰內府之珍先
朝所賜既不敢將歸地下又不合留在人間識者賞
其明而簡王文正公疾革上臨視賜白金五十兩召
楊文公于床前作讓表公覽乃自書四句已懼多藏
此事摘錄 八
況無用處見謀散施以息災殃是冬公薨文公歎曰
精爽不亂如此前代之風後世之法也

杜黃自反

杜祁公語錄云公爲相食于家惟一麪一飯而已或
美其儉公曰行本一措大爾名位服用皆國家者俸
人之餘以給親族之貧者常恐浮食焉敢以自奉也
一旦名位爵祿國家奪之却爲一措大又將何以自
秦養邪黃庭堅文集云余謫處宜州半載官司謂余
不當居開城中乃抱被入宿于城南余所僦舍雖上

雨飭風無有蓋障市聲喧聒人不堪其憂余以爲家
本農桑使不從進士則田中廬舍如是又可不堪其
憂耶然則士當富貴之時丁患難之際恒思自反此
生有定分焉可也

韓錢存心之異

韓魏公中進士第二人監左藏庫時方貴高升多徑
去爲顯秩公獨滯于筦庫衆以爲非宜公處之自若
於職事未嘗苟止及爲開封推官理事不倦暑月汗
流浹背府尹王博文大重之曰此人要路在前而治
此事摘錄 九
民如此真宰相錢明逸在禁林不滿意出爲秦州居
常怏怏不事事公聞之語人曰已雖不足獨不思所
部十萬生靈耶噫公之所存自其監庫時已有以異
于錢明逸輩之存心者矣

魏程不避好名

宋魏掾之與人交嘉其善而救其失後進以禮來者
苟有寸長必汲汲推挽成就之至或訾其好名則蹙
然曰使夫人而避此嫌爲善之路絕矣元程思廉與
人交有終始或有疾病死喪問遺賻恤往往數百里

不憚勞仍爲之經紀家事無視其子孫其家族尤盡
恩意好薦達人物或者以爲好名思兼曰若避好名
之譏人不復改爲善矣

論人不專貴有才

朱熹爲江西提刑入奏事論內侍甘昇甚力孝宗曰
昇爲德壽所薦爲其有才爾熹曰小人無才安能動
人主兵部尚書羅點嘗與人論士或問天下事非才
不辦點曰常先論心苟不正才雖過人果何取哉葉
夢得除起居郎時用事者蓋小有才夢得言自古用

此事摘錄

十

人必先辨賢能賢者有德之稱先王嘗使德勝才不
使才勝德崇寧以來在內惟取議論與朝廷同者爲
純正在外惟取推行法令速成者爲幹敏未聞器業
任重識度經遠者特有表異恐用才太勝願繼今用
人以有德爲先張恕理宗時因論對引其伯父杖告
孝宗之語曰常求辦事之臣不求辦事之臣欲求仗
節死義之臣必求犯顏敢諫之臣用人之道蓋不貴
于專有才者如此

褚夏年壽

元丙子淮南閭帥夏貴歸川元授中書左丞至巳
卯歲死有人贈以詩云自古誰無死惜公遲四年問
公今日死何似四年前又有人弔其墓云享年八十
三而不七十九嗚呼夏和公萬代名不朽昔宋褚淵
身事二姓弟紹歎曰使淵作中書而死也當是一名
士今德不昌令有期願之壽哀哉

學者自信

庖丁解牛目無全牛伯樂相馬所見無非馬者紀昌
視蝨大如車輪射之貫心而懸不絕皆心之所寄也

此事摘錄

十一

朱子嘗言劉晏見錢流地上是其會計之熟所致而
自謂看得聖人言語熟透直見聖人之心從面前過
學者未到此安能以自信耶

顛倒見

人不勝實事可笑竊其中而美其外豈非顛倒見乎
謝上蔡有言今人做事只管要誇耀別人耳目渾不
關自家受用處譬如人食前方丈便向人前喫蔬食
菜羹却去屋裏喫也試一四思何故如此曾紀梵志
有翻着襪詩云梵志翻着襪人皆道是錯乍可刺你

駭不可隱我脚彼夸毗子宜少悟矣

容人負人

丈夫處世行已不可不宏常令我容人勿令人容我
寧令人負我勿令我負人曹操有寧負人之言此姦
賊之所以追誅也陳述古有當容人之言此先正之
所以立訓也

財利禍患

梁蕭允曰禍之所來皆生于利苟不求利禍從何生
顧希武曰積財可以備患患以生于多財與其因患
比事摘錄 十二
而積財孰若無財而無患皆名言也

修德保家

李德裕平泉山居戒子孫云吾百年之後爲權勢所
奪則以先人所命泣而告之此吾志也後經世變遺
胤竟不能守花卉蕪絕惟石名品俱爲洛城有力取
去記所云者祇足貽達人笑耳昔晉桓玄欲以謝安
宅爲營其孫謝景曰召伯之仁猶惠及甘棠文靖之
德更不保五畝宅耶玄慙而止唐嗣曹王皇將市取
張柬之襄陽園圃馬葵諫曰漢陽有中興功今遺

富百世共保奈何使子孫習乎阜之後石家金谷園
其身不能守馬家玉杯地不復留身後今日諸如此
者又何道焉魏徵第太宗用殿材成其正寢其後嗣
不能守白居易以爲言朝廷賄而賜之宋邵康節天
津之居本官地熙寧初法當斥賣楊三月人不忍買
司馬溫公諸人爲集錢買之然則身苟富德不必潤
屋爲子孫計也

物不同用

物有效吾所用而不能無弊者病齒之人服苦參齒
愈矣而腰重不舉世不有類是者耶藍蛇有毒尾却
解毒當歸生血鬚却破血麻黃發汗根節復止汗酸
棗醒睡仁復令人貪睡螻蛄腰以前治大小便之過
滑者腰以後治閉結者一物也爲用不同如此又鹽
以浸魚肉則能經久不敗以沾布帛則易朽爛一物
也所施處各有所宜惟醫亦然阿魏性極臭用以人
食餌乃能去臭葫蘆氣極輩然置臭肉中能掩臭氣輩
臭非所常疑也君子醫國有興廢除害之責人才繁
其用舍可不審其所處者哉

比事摘錄

十三

其用舍可不審其所處者哉

孝悲

尸子云魯子每讀喪禮泣下沾襟史記刪徹讀樂毅傳輒流涕漢書揚雄悲屈原不容于世作離騷讀其文未嘗不流涕晉王泉傳哀讀詩至哀哀父母生我劬勞未嘗不三復流涕門人爲廢蓼莪之篇史系記孟元方誦詩至蓼莪篇必哀咽不已南齊書載顧歡事亦然梁書武帝每論孝子傳不終軸而悲惻北齊趙邵王子敞四歲喪父初讀孝經至資於事父輒流涕歔歔又揚歔其舅子問歔讀詩至渭陽未耶歔便

此事摘錄

十四

山水遠大

山之恃土石草木以崇其勢塊而視之歔斜破碎叢雜燕穢不可勝指也其在百十里外朝煙暮藹紫翠如滴橫如蛾眉矗比螺髻山其不以遠爲美乎江河之流溝渠泡沫潢潦汙濁以益其委勾面計之臭腐垢澆汙敗便惡濫濫灌注不可勝道也其在千萬頃間溼天浴日上下同澈圓光藏珠方景凝璧水其不以大爲潔乎嗚呼美以遠著潔以大致弗崇弗益則

以弗能至矣君子觀此致身之地弗遠大焉可乎

此事摘錄

十五